



პროგრამული თანამშრომლობის ფორმატი  
სომხეთის, აზერბაიჯანის, საქართველოს, მოლდოვას რესპუბლიკის,  
უკრაინისა და ბელორუსიისათვის

**Programmatic Cooperation Framework for  
Armenia, Azerbaijan, Georgia, Republic of Moldova, Ukraine and Belarus**

Funded  
by the European Union  
and the Council of Europe



EUROPEAN UNION

COUNCIL OF EUROPE



CONSEIL DE L'EUROPE

Implemented  
by the Council of Europe

**Human Rights and Healthcare in Prisons and Other Closed Institutions in Georgia II**

ადამიანის უფლებები და ჯანდაცვა  
საქართველოს ციხეებსა და დახურული ტიპის სხვა დაწესებულებებში II



**საინფორმაციო ბიულეტენი  
დეკემბერი, 2016**

**ვმუშაობთ ერთად ჯანდაცვის ხარისხის გასაუმჯობესებლად  
ციხეებში**

3-4 დეკემბერს, 2-დღიანი სამუშაო შეხვედრის ფარგლებში, ევროსაბჭოს ექსპერტებთან და საქართველოს სასჯელაღსრულებისა და პრობაციის სამინისტროს წარმომადგენლებთან ერთად განხილულ იქნა დოკუმენტი, რომელიც ევროპის საბჭოს ექსპერტებმა ციხეებში ჯანდაცვის სერვისების ხარისხის კონტროლის გასაუმჯობესებლად შეიმუშავეს. დოკუმენტი შედგება ხარისხის კონტროლის გაუმჯობესების კონცეფციის, გაიდლაინებისა და მონიტორინგის ინსტრუმენტებისგან. მონიტორინგის ინსტრუმენტების გამოყენება მიზნად ისახავს ციხეებში ჯანდაცვის სერვისების ხარისხის უზრუნველყოფის შეფასებას.



**იხილეთ მეტი ...**

## ხელს ვუწყოთ არასათანადო მოპყრობის წინააღმდეგ ახალი სამოქმედო გეგმის შემუშავებას

ევროპის საბჭო და ევროკავშირი საქართველოს ხელისუფლებას არასათანადო მოპყრობის წინააღმდეგ ბრძოლაში ახალი სამოქმედო გეგმის შემუშავებაში ეხმარება. 1-7 დეკემბრის ჩათვლით ევროსაბჭოს ექსპერტი საქართველოში იმყოფებოდა. მან სახელმწიფო სტრატეგიისა და სამოქმედო გეგმის ფარგლებში, არასათანადო მოპყრობის წინააღმდეგ, საქართველოს ხელისუფლების მიერ გადადგმული ნაბიჯები შეაფასა სამომავლო განვითარებისთვის რეკომენდაციებს შემუშავების მიზნით. ექსპერტი, დამატებით, საქართველოს მთავრობის მიერ შემუშავებულ სამოქმედო გეგმის სამუშაო ვერსიასაც გაანალიზებს.

იხილეთ მეტი ...

## პოლიციის განახლებული ეთიკის კოდექსი საქართველოს პოლიციის ოფიცრებისთვის

ევროკავშირი და ევროპის საბჭო განაგრძობს საქართველოს შინაგანი საქმეთა სამინისტროს მხარდაჭერას არსებული პოლიციის ეთიკის კოდექსის დახვეწასა და სწავლების სტრატეგიის შემუშავებაში. ამ მიზნით, 11-12 დეკემბერს, ევროპის საბჭოს ორგანიზებით, 2-დღიანი სამუშაო შეხვედრა გაიმართა, რომლის ფარგლებშიც ევროპის საბჭოს საერთაშორისო ექსპერტების მიერ მომზადებული პოლიციის ეთიკის ახალი კოდექსის სამუშაო ვერსია განიხილეს.

იხილეთ მეტი ...



## დაზიანების დოკუმენტირება პენიტენციურ დაწესებულებებში



ევროპის საბჭო და ევროკავშირი განაგრძობს სასჯელაღსრულებისა და პრობაციის სამინისტროს მხარდაჭერას სამედიცინო პერსონალის მიერ დაზიანების დოკუმენტირების პროცედურების გაუმჯობესების კუთხით.

სამინისტრომ მიიღო სპეციალური ფორმა პენიტენციურ დაწესებულებებში სავარაუდო არასათანადო მოპყრობის დროს დაზიანების აღსარიცხად. აღნიშნული ფორმა დაეხმარება არასათანადო მოპყრობის შემთხვევების გამოძიებასა და დაუსჯელობის წინააღმდეგ ბრძოლას. ფორმა შემუშავდა ევროსაბჭოსა და ევროკავშირის ერთობლივი პროექტის ფარგლებში.

იხილეთ მეტი ...

## ვაგრძელებთ ფსიქო-სოციალური სარეაბილიტაციო პროგრამის "ნაბიჯი ცვლილებებისკენ" მხარდაჭერას



ევროპის საბჭო და ევროკავშირი განაგრძობს სასჯელაღსრულებისა და პრობაციის სამინისტროს დახმარებას ფსიქო-სოციალური პროგრამის "ნაბიჯი ცვლილებებისკენ" განხორციელებაში. აღნიშნული პროგრამა პროექტის პირველი ფაზის განხორციელებისას „წამების მსხვერპლთა ფსიქოსოციალური და სამედიცინო რეაბილიტაციის ცენტრის" მიერ შემუშავდა. პროგრამა უკვე წარმატებით განხორციელდა რუსთავის №16 დაწესებულებაში.

იხილეთ მეტი ...

## პირველადი დახმარება დროებითი მოთავსების იზოლაციორების ექიმებისთვის



8 - 9 დეკემბერს "მედი ქლავ ჯორჯიას" პროფესიული ტრენერების დახმარებით, დროებითი მოთავსების იზოლაციორებში მომუშავე ექიმებისთვის პირველადი დახმარების თემაზე 2-დღიანი ტრენინგი გაიმართა. ტრენინგის სილაბუსი სპეციფიკურია და პასუხობს იმ საჭიროებებს, რომლებსაც ექიმები საქმიანობის განხორციელებისას დროებითი მოთავსების იზოლაციორებში აწყდებიან.

იხილეთ მეტი ...

## მხარს ვუჭერთ დროებითი მოთავსების იზოლაციორის თანამშრომლების სწავლების გაღრმავებას



ევროპის საბჭო და ევროკავშირი ეხმარება შინაგან საქმეთა სამინისტროს აკადემიას დროებითი მოთავსების იზოლაციორის თანამშრომლებისთვის დისტანციური სწავლების კურსის განვითარებაში. სასწავლო პროგრამა მიზნად ისახავს მონაწილეებისთვის როგორც თეორიული ცოდნის (საკანონმდებლო ბაზა, ადამიანის უფლებათა დაცვის სტანდარტები, ჯანდაცვის სტანდარტები და ა.შ) გაღრმავებას, ასევე პრაქტიკული უნარ-ჩვევების განვითარებას. დისტანციური სწავლების მოდული საშუალებას აძლევს ყველა თანამშრომელს, სამუშაოს დაწყებისთანავე გაიარონ კურსი.

იხილეთ მეტი ...



ვმუშაობთ ერთად ადამიანის უფლებების,  
დემოკრატიისა და სამართლის  
უმენაესობის გასაუმჯობესებლად!